


POLOKO

 Tate wa Magodimong wa go šegofala, ka bo—bo Bogona bja Moya wo Mokgethwa bo šetše bo le fa, re batamela Lentšu la Gago le Lekgethwa. Gomme le go le ka lentšu le lebe go leka go ngangela morago, le go bolela mantšu feela ka go nokologa le go tia bjalo ka ge nka kgona, ke kgopela bakeng sa tlhahlo Kgethwa ya Gago le tumelelo ya Moya wo Mokgethwa go sepela magareng ga rena bošegong bjo. Gomme a nke Yena Yo a lego mobagonakamehla, a nke A tšee Lentšu la Modimo le go Le fa go pelo ye nngwe le ye nngwe, feela bjalo ka ge re na le tlhoko. A nke A re fepe bošegong bjo, godimo ga dilo tše dibotse tša Modimo.

² Gomme bošegong bjo, ge re sa bolela godimo ga Lentšu, a nke dipelo tša rena di be dimaele tše dintši ka go Khalibari, moo Jesu a lefetšego tefo yela ya go lekanelamoka yeo re e nyakilego ya dikahlolo tše kgolo tša Modimo, go tloga serapeng sa Edene. Gomme lehono a nke re lemoge gore re lokafadišwe ka go lokologa ka tsogo ya Gagwe, le ka lehu la Gagwe, poloko, le tsogo.

³ Gomme bošegong bja lehono ga re sa le ba lefase, ka gore re rekilwe ka theko ya Madi a bohlokwa a Morwa wa Modimo. Gomme a nke re, ka dipelo tša go tlala tebogo, re retologele go Wena bošegong bjo, ka monagano ohle le maatla, le gore re ne ka gare go rena, le go Go direla ka ya go sekega, pelo ya go se otswafatšwe.

⁴ Efa bošegong bjo, Tate, ge go ka ba ba bangwe fa bao ba sa Go tsebego, ka go tshwarelong ya dibe tša bona, a nke bošegong bjo ba tle ka go kokobela go sefapano, gomme fao ba ipolele dibe tša bona go Modimo yo a lokilego, go le balela. Gomme a nke bjo e be bošego bjo bogolo go rena bohle. Re e kgopela ka Leina la Morwa wa Gago, Morena Jesu. Amene.

⁵ Bjale re a lemoga gore ga go yo tee, ka lefaseng, yoo a kgonago ka go lekanela go tšea Lentšu la Modimo le go Le utolla, ka gobane Lentšu le ngwadilwe ka tšhušumetšo. Moya wo Mokgethwa ke Mongwadi wa Lentšu.

⁶ Gomme ge yo motee a nyakilwe, ka Legodimong, go tšea Puku le go bofolla Mahuto, ga se gwa hwetšwa o tee ka Legodimong, goba ka lefaseng, goba ka tlase ga lefase, yoo a bilego le maswanedi go bofolla Mahuto, goba e bile go lebelela godimo ga Puku. Gomme go be go le Kwana Fale yeo e bego e bolailwe ge e sa le motheong wa lefase, gomme O tlile le go tšea Puku ka ntle ga seatla sa Yena yoo a dutšego godimo ga Terone, gomme o bofolotše Mahuto le go bula Lentšu.

7 Gomme re a dumela bošegong bjo le go tshepela go Yena, gore O tla re bulela Lentšu, gomme bjale ge ke bala ka go ya 2 tema ya Ditiro.

8 Bjale ka ge ke e fa ntle, bošego bja mathomo e bile *Go Tla La Bobedi*, gomme...ga Morena Jesu, go bile Laboraro. Gomme Labone bošego go bile ka *Sehlabelo Se Se Lekanetšegomoka*. Gomme Labohlano bošego go bile ka *Poelano Ye E Lekanetšegomoka; Phethego*. Le e hweditše bošego bja go feta? *Phethego*, ka fao re ka bago go hloka molato ruri le go phethega mo pele ga Modimo! Gomme bošegong bjo ke ka *Poloko*. Gomme gosasa, *Tsogo*. Feela bjalo ka ge matšatši a latela.

9 Bjale ke kgethile bošegong bjo, bakeng sa palo ya ka ya Lengwalo, go tšwa go Puku ya Ditiro, ya 2 tema le ya 25, ya 26, ya 27 ditemana, go akaretšwa. Gomme Le balega bjalo ka le, Petro a bolela.

Dafida, gobane Dafida o boletše mabapi le yena, ke bonepele Morena ka mehla pele ga sefahlego sa ka, gobane o ka letsogong la ka le letona, gore ke se šuthišwe:

Kagona pelo ya ka e ile ya hlalala, le leleme la ka la thakgala; gape kudu nama ya ka e tla robala ka kholofelo:

Ka gobane wena o ka se tlogele soulo ya ka ka heleng, ebile wena o ka se lese Yo Mokgethwa wa gago go bona go bola.

10 A sehlogo se sebotse bakeng sa bošegong bjo, bakeng sa go hwetša bokamorago bja Gagwe a le ka lebitleng.

11 Selo sa pele re dumago go se lebelela...go gogela šedi ya lena go, ke Lentšu la Modimo le sa palelwego. Modimo o boloka Lentšu la Gagwe, go ya leletereng. Gomme bošegong bjo re nyaka go bofelela dikgopolo tša rena go seo, gore Modimo o boloka Lentšu la Gagwe. Re ka dula ka tiišetšo ya e ka ba eng yeo Modimo a e boletšego ka Lentšu la Gagwe, go ba Therešo. Gomme tumelo ga e dule godimo ga lešabašaba la go šutha la dikgopolo tša motho goba thutamodimo ya motho, eupša e na le lefelo la bokhutšo bja yona bja mafelelo godimo ga Leswika le le sa šišinyegego la Lentšu la Modimo la Gosafelego.

12 Lentšu! Ge Modimo a le boletše, leo ke Therešo go ya go ile. A ka se ke a le gomiša gomme a re, "Ga se ke e re." Nka bolela dilo le wena o ka bolela dilo, gona re gapeletšega go le buša morago, ka gobane re le boletše ka tsebo ya rena ye kaonekaone le ka bokgoni bja rena bjo bokaonekaone. Eupša, gona, Modimo o fapana kudu bjalo go rena. Ga a ne magomo, kagona ga A bolele selo se sengwe ka ntle le ge se phethagetše ruri. Ga nke A swanela go le gomiša, ga nke a kgopela tshwarelo go se A se boletšego. E ema ka mehla, Therešo.

13 Ebile go Jesu, ka go matšatši a magolo a ao re lego ka go ketekeng, ge Modimo ka kgonthe a hlabile Morwa wa Gagwe bakeng sa dibe tša lefase, e bile mohlomongwe dikete tša mengwaga pele ebile motheo wa lefase o kile wa bewa. Modimo o boletše Lentšu, gomme Ke setšweletšwa se se fedilego ka Legodimong ge Modimo a se bolela; se fedile ka kgonthe. Oo, ge feela re ka kgona go huparela se seo se se rago, a batho ba ba fapanego re tla bago! Go bona ka Dipukung tša Gagwe, dikahlolo tše di beilwego ka fa bakeng sa ba go se kwe, go tla dira motho a itekole yenamong, iri ka iri; gomme e tla dira moloki a hlalale, iri ka iri, go bala ditšhegofatšo tšeo Modimo a tshepišitšego go babotegi. Gomme re ka dula tiišetšong gore Lentšu le lengwe le le lengwe le tla phethagatšwa, re nno kgwaparetšša soulo ya rena go lona. Ka mehla go bile ka tsela yeo.

14 Ge Modimo a boletše le Noage, moragorago ka go lefase pele ga meetsefula; mohlomongwe mohlampe pele Beibele e kile ya ke ya ngwalwa, goba Beibele ye, ka tsela efe, e kile ya ke ya ngwalwa; Modimo o boditše Noage go be go etla ledimo, gomme meetse a be a eya go khupetša lefase. Gomme ntle le tlhasana ya bohlatse gore e tla direga, se sengwe le se sengwe kgahlanong kudu, Noage o sepetše ka letšhogo, gomme o agile areka, o e lokišeditše. E be e le go phološeng ga lapa la gagwe le yenamong. Modimo ga se a ke a mo nyamiša, ka gobane e be e le Lentšu la Gagwe. E ile ya swanela go direga ge Modimo a boletše e tla dira.

15 Bjale, ge Jobo, Puku ya kgalekgale ka Beibeleng, yeo e ngwadilwego mohlomongwe pele ga Genesi e ile ya ngwalwa, gomme e ile ya akaretšwa ka go Beibele. Gomme Moshe o ngwadile Genesi. Jobo, ka Pukung ya gagwe, o ithekgile ka kgonthe godimo ga tshepišo Modimo a mo diretšego. Gomme o eme hleng le moneelo wa gagwe wa go tshungwa, ka ntle ga letšhogo ka pelong ya gagwe; go tsebeng gore, se Modimo a se boletšego, Modimo o be a kgona go se phetha. Gomme ge se sengwe le se sengwe se bonagetše eke se ya kgahlanong, Jobo o eme go tia ka gobane tshepišo ya Modimo e be e tiile. Modimo o tshepišitše Jobo, gomme Jobo o khutšitše godimo ga tshepišo yeo.

16 Oo, ge kereke e ka tsoge ya fihla go lefelo leo go fao e ka go khutša ka kgonthe godimo ga Lentšu la Modimo la Gosafelego go ba Therešo! A phapano e tla ba gona, a phošollo e tla ba go gona, a go kgaola go tla bago gona, a thabo e tla bago gona, a maatla a tla bago gona, ge banna le basadi ba tla tšea Modimo go boleng bja sefahlego, se A se boletšego ke Therešo. Ga go tshwenye se seemo se lebelegago bjalo ka, seo ga se na selo go dira le yona. Modimo o boletše bjalo; seo se a e ruma!

17 Gomme Jobo, ge a be a le ka go nako ya go lekwa kudu ya boitemogelo bja gagwe bjohle; ge a be a hweditšwe, ka Bogoneng bja Modimo, motho wa moloki. Le Modimo o rile o be a phethagetše. Go be go se wa go swana le yena ka lefaseng.

Gomme Sathane o filwe tokelo go mo leka, a re, “Ke tla mo dira A go roge selebaneng sa Gago.”

¹⁸ Gomme o nyakile a tšere bophelo bja Jobo, gomme a ka be a dirile, eupša Modimo o thadile mothalo wa mollwane, o rile, “O ka dira eng le eng go yena, eupša o se tšee bophelo bja gagwe.”

¹⁹ Morago ge Jobo a eme go gona go lekweng ga nako ya tlalelo, o rile, “Ke a tseba Molopolodi wa ka o a phela, gomme mo matšatšing a mafelelo O tla ema mo lefaseng. Le ge diboko tša letlalo di senya mmele wo, go le bjalo mo nameng ya ka ke tla bona Modimo.” Ga go tshwenyege go bonala leswiswi bjang, le go bonala go se be kgonthe bjang, go bile le se sengwe seo Jobo a kgwapareditšego soulo ya gagwe godimo ga sona, tshepišo ya Modimo ya Gosafelego. Oo, ge feela re ka kgona go dira seo! Elang hloko, o khutšitše godimo ga tshepišo, “Ke a tseba Mophološi wa ka o a phela.”

²⁰ Gomme ke nyaka le eleng hloko, bakeng sa mantšu a ka moso ke dumago go bolela, Jobo o hlalošitše lefelo la gagwe la poloko. Gomme ge Jobo a hwile, o bolokilwe ka mokgwa woo.

²¹ Go bile le monna yo mongwe, ka leina la Abraham, yo a tšerego Modimo mo Lentšu la Gagwe. Gomme o dumetše Modimo. Gomme o biditše dilo tšela tše di bego di le kgahlanong le tshepišo Modimo a mo fago, bjalo ka ge eke di be di sego. O tšere Modimo mo Lentšung la Gagwe. Gomme ge matšatši a fetile, le dibeke le dikgwedi, le ebile mengwaga e fetile, tšeo ga se nke tša tširoša Abraham nthatana e tee. Beibele e rile, “Ga se a ke a tšokatšoka, ka go se dumele, go tshepišo ya Modimo; eupša o bile go botega, a efa tumišo go Modimo.”

²² Ge se sengwe le se sengwe se se bonagetše go, letšatši le lengwe le le lengwe, gabonolo e ile ya gola bothata kudu letšatši le lengwe le le lengwe; eupša sebakeng sa go fokola, Jobo o tšeletše letšatši le lengwe le le lengwe. Oo, a tššetšo ye e šegofetšego re nago le yona! Ge go thatafa go bonala go rotoga go dira selo, gore Modimo o tshepišitše, go se kgonagale; sebakeng sa go nyefiša, morago ka go lefase, re swanetše go ema go tia kudu go feta re kile ra ema le neng, godimo ga GO RIALO MORENA. Go swanetše go e ruma, ge Modimo a bolela se sengwe.

²³ Gomme Abraham o biditše dilo tšela tše di bego di le, bjalo ka ge e ke di be di se go, ka gobane di be di le kgahlanong le Lentšu. Gomme ge Abraham a lahlegetšwe ke moratiwa wa gagwe le mosadi, Sarah, ka morago ga mengwaga ye mentši ba dula mmogo, o rekile seripa sa lebala kgauswi le lefelo moo Jobo a bolokilwego, gomme o bolokile Sarah. O makala gobaneng? Ba be ba le baprofeta! Ba bone! Ba kgokagane le Modimo! Gomme bjale ge Abraham a hwile, o bolokilwe le Sarah.

²⁴ Bjale, ga se a nyaka baisa ba go mo fa seripa sela sa lebala. O se rekile, pele ga dihlatse. A sekai se sebotse sa kolobetšo. O se rekile, pele ga dihlatse, gore e be e le lefa la gagwe. Oo, yeo

ke tsela ye modumedi wa kgonthe a swanetšego go tla, e sego go ngwegela thoko ka sekhutlwaneng, eupša ema pele ga dihlatse, “Ke nna hlatse ya Morena Jesu, le ya Moya wo Mokgethwa, le ya mediro ya Gagwe ye megolo,” le ye mentši kudu bjalo bjalo ka ge re bona letšatši le lebe le le batamela.

²⁵ Gomme morago ge morwa wa Abraham, e lego Isaka, tshepišo e be e swanetše go fiwa yena. Gomme ge Isaka a hwile, o bolokilwe le Abraham. Gomme Isaka o tswetše Jakobo.

²⁶ Gomme ge Jakobo a hwile, tlasetlase ka Egepeta. Eupša hlokomelang, pele a ehwa, o rile go morwa moprofeta wa gagwe, Josefa, “Etle fa, morwa, gomme bea seatla sa gago godimo ga noka ya ka ye e golofetšego.” Ka gore elelwang ka fao a golofaditšwego, ke ka gobane Morongwa wa Morena o kgwathile noka ya gagwe, gomme o ile a hlotša go tloga letšatši leo go ya pele. O rile, “Bea seatla sa gago godimo ga noka ya ka, gomme nkenele ka Modimo wa botatawešu, gore o ka se mpoloke tlase fa Egepeta.” Gobaneng? Oo, ba bile le Lentšu, ba bile le kutollo!

²⁷ Gomme a nke ke eme fa, go bolela gore kereke ya Modimo yo a phelago e agilwe godimo ga kutollo ye Kgethwa; e sego godimo ga kereke ya leina, mokgatlo, e sego godimo ga dithutotumelo le dithuto, eupša godimo ga Therešo ya semoya e utolotšwego ya Modimo yo a phelago.

²⁸ Abele, ka serapeng sa Edene, o bile le yona ge kereke e thoma. O tsebile bjang go tliša kwana? Gobaneng a se a tliša dikenywa go swana le ge Kaine a dirile? Eupša e utolotšwe go yena!

²⁹ Jesu nako ye nngwe a bolela, o rile, “Batho ba re Nna Morwa wa motho ke mang?”

“Ba bangwe ba rile Wena o ‘Moshe,’ le ‘Eliya,’ le go ya pele.”

O rile, “Eupša lena le re Nna ke Mang?”

³⁰ Le a bona, ga e dule godimo ga se yo mongwe gape a se naganago, ke se o se tsebago go ba Therešo. “Lena le reng?” Potšišo yeo e tla kopana le yo mongwe le yo mongwe wa rena sefahlegong bošegong bjo, “Lena le reng?”

³¹ Gomme Petro ka pela a bolela godimo, ntle le go dikadika, o rile, “Wena o Kriste, Morwa wa Modimo yo a phelago.”

³² Bjalo ka Jesu Yo a tsebilego diphiri tša dipelo tšohle, gobane O be a se yo mongwe ntle ga Jehofa a bonagetše nameng, gomme O rile, “Wena o wa lehlogonolo, Simone, morwa wa Jona, ka gore nama le madi ga se di go utollele se, eupša Tate wa Ka yo a lego Legodimong o dirile se. Gomme godimo ga leswika le Ke tla aga Kereke ya Ka, gomme dikgoro tša hele di ka se kgone go fenyā kgahlanong le Yona.”

³³ Gomme rena batho ge re etla pele, rena Malutheran re nyaka go sepela ka tumelo, rena Mamethodist re nyaka go goelela go E hwetša, lena Mapentacostal le nyaka go bolela ka maleme go

E hwetša, eupša seo ke dimaele tša milione tše lesome go tloga go Yona.

³⁴ Ke kutollo ye Kgethwa ya Morena Jesu Kriste, Motho wa Sephedi sa Gagwe a dirilwe go bonagatšwa ka pelong, “Godimo ga leswika le Ke tla aga Kereke ya Ka, gomme dikgoro tša hele di ka se kgone go fenywa kgahlanong le yona.” E šoma ka go phethagala le Mateo . . . :24, 5:24, goba Mokgethwa Johane 5:24, “Yo a kwago Mantšu a Ka, gomme a dumela go Yena yo a Nthomilego, o na le Bophelo bjo bo sa felego; gomme a ka se tsoge a tla mo kahlolong, eupša o tshetše go tloga lehung go ya Bophelong.” E sego ka gobane o bile le mosepelo o itšego, maikutlo a itšego; eupša ka gobane o bile tokelo ya go ba le Kriste a utolotšwe go wena go tšwa Legodimong, “Godimo ga leswika le Ke tla aga Kereke ya Ka.”

³⁵ Gomme morago, Jakobo, ge a hwile, morwa wa gagwe o bile le mmele wa gagwe o rwaletšwe godimo, gomme o bolokilwe le Abraham, Isaka, Sarah, le Jobo, ka Dinageng tše Kgethwa, ka Palestina.

³⁶ Morago, Josefa, a bile moprofeta. O atlegile tlase ka Egepete. O tsebile Modimo. Modimo o be a ikutlotše Yenamong go yena. Gomme ge a hwile, o rila, “Le se boloke mašapo a ka tlase fa, eupša beang . . . ge . . . Letšatši le lengwe Modimo ka kgontho o tla le etela!” Gobaneng? O tsemile ruri godimo ga Lentšu la Modimo go Moshe, “Mengwaga ye magkolo a mane ba tla hlankela setšhaba se, eupša Ke tla ba ntšhetša ntle.” O tsemile ruri godimo ga Lentšu.

³⁷ Gomme a seswantšho se sebotse fa, ge le ka lemoga. Mohebere yo mongwe le yo mongwe a feta kgauswi, ka mokokotlo wa gagwe o bethilwe o šoro, ke baotledi ba makgoba. Gomme ge a lebeletše godimo ga mašapo a moprofeta yo wa gagwe, Josefa, o tsebile letšatši le lengwe ba be ba eya go tšwela ntle. Ka gore, mašapo ale a be a tlogetšwe fale bakeng sa segopotšo, gore letšatši le lengwe ba tla tšwela ntle.

³⁸ Go bile e ka ba mengwaga ye lesometlhano goba lesomeseswai ya go feta ge Billy Paul, mošemane yo monnyane a be go a ka ba mengwaga ye mehlano bogolo, ga thata bontši bjalo . . . Re bile le letšoba le lennyane re bego re le iša go lebitla la mamagwe, go hlabeng ga letšatši mosong wo mongwe, ka Paseka, feela ge letšatši le be le etla, le nyarela godimo; goba feela pele ga go hlabana ga seetša, go bile, morago go ya tirelong. Gomme ge re theogela tlase lebitleng, moisa yo monnyane o rotše kefa ya gagwe ge re sepelela go fao kgaetšedi wa gagwe yo monnyane le mmagwe ba bolokilwego. Gomme a thoma go hloafala le go lla, gomme o rila, “Papa, a mama o tlase fale ka go molete wola?”

³⁹ Ke rila, “Aowa, morwa. Ga a tlase fale ka go molete wola. O bokaone go phala wena le nna ga dimilione tše di atišitšwego.”

O rile, “A ke tla bona mama gape?”

⁴⁰ Ke rile, “Ka mogau wa Modimo, ge o e hlologela, o ka mmona gape.”

O rile, “A mmele wa gagwe o ka tsoge wa tla godimo go tšwa lebitleng le?”

⁴¹ Ke rile, “Hani, tswalela mahlo a gago, gomme ke tla go botša kanego ye nnyane. Mengwaga ye mentši ye lekgolo ya go feta, mosong wo, go bile le lebitla le tlogetšwego le se ne selo.” Ke rile, “Ke segopotšo. ‘Go bao ba robalago go Modimo Kriste o tlo ba tliša le Yena mohla A etla.’” Ntle le morithi wa pelaelo, ke tsema ruri godimo ga tshepišo ya Modimo ya Gosafele!

⁴² Bjalo ka Jobo wa kgale, ge re ekwa yela “molora moloreng, le lerole leroleng,” e nkgopotša ka Longfellow, yo a rilego:

Se mpotše, ka dipalo tša go lla,
Bophelo e no ba toro ya go se be le selo!
Gomme soulo e hwile yeo e potumago,
Gomme dilo ga se tšeo di bonalago go ba.

O rile:

Ya, bophelo bo kgonthe. Bophelo ke tiišetšo!
Gomme lebitla ga se nepo ya bjona;
Ka gore wena o lerole, o boela leroleng,
Ga se go boelwe ka soulo.

⁴³ Ba o bitša theophany, gore ge re tloga fa re ya ka go felotsoko gape. E ka ba eng e ka ba go, ke tšea Lentšu la moapostola, ge a rile, “Ge mošaša wo wa lefaseng goba lefelo la bodulo le phušolwa, re šetše re ne wo mongwe o letile, go sepela go tloga go wo go ya ka go Wola.”

⁴⁴ Abraham, Isaka, Jakobo, Jobo, baprofeta bohle, ba tshepile le go dumela gore go be go etla tsogo, gore Molopolodi o be a etla. Ba profetile ka Yena. Henoge o profetile ka Yena; a tsema ruri, a tswalelela bopaki bja gagwe le yona. Isaka, Jakobo, Daniele, Jeremia, Hesekia, ba tsemile ruri godimo ga nako yeo Mesia a tla go tla.

⁴⁵ Gomme ba hwile gomme disoulo tša bona di ile Paradeising. Ba be ba sa kgone go ya ka Bogoneng bja Modimo, ka gobane (re bile le yona bošegong bja go feta) gore madi a dipoo le dipudi a be a sa kgone go lebalela dibe; a be a no khupetša dibe, a bolela ka letšatši mohla Sehlabele se se phethagetšego; ka gobane madi a diphoofole a be a sa kgone go tla morago go morapedi, ka gore gona o be a ka se kgaotše go neela dihlabelo tša mohuta woo.

⁴⁶ Eupša ge Morwa wa Modimo a hwile, Bophelo bjoo bo bilego ka go Yena bo be bo se se sengwe eupša Modimo, go tla morago le go re bea ka go lapa la Modimo. Gomme bjale re bana ba Modimo, Bophelo go tšwa Mading a Gagwe.

⁴⁷ Bjale hlokomelang ka pela, ge re latela bjalo. Ge morago ka go Testamente ya Kgale, gomme bale ba dumetšego le go rapela, gomme ba hwetše Tumelong, ba letile nako yeo. Lebaka baprofeta bale ba dirile sela, gomme ba nyakile go bolokwa ka Palestina, ba tsebile gore tsogo ga e ye go ba ka Egepeta. E be e eya go ba ka Palestina, go nnoši.

⁴⁸ Ke ka lebaka leo ke re bošegong bjo: ke ne mehuta yohle ya maina; ga ke kgathale se batho ba mpitšago, seo ga se re selo go nna. Selo se nnoši seo ke ratago go dira, ke go tseba se: gore ke be ke hwile, gomme bophelo bjaka bo utilwe ka go Kriste, ka Modimo, le go tswalelelwa ke Moya wo Mokgethwa; gore mohla A bitša go tšwa magareng ga bahu, ke tla araba ka letšatši leo. Mpolokeng ka go Kriste, ka gore bao ba lego ka go Kriste Modimo o tla ba tliša le Yena ka letšatši leo.

⁴⁹ Re tsena bjang ka go Kriste? Bakorinthe Bapele 12:13, “Ka Moya o tee bohle re kolobeditšwe ka go Mmele o tee, gomme re ba badudi mmogo ba Mmušo wa Modimo.” Re ipolela go ba bafeti le basetsebjego go lefase le, gapegape, re sa nyake dilo tše tša lefase, eupša re lebeletše go tšeng ga Kgoši ye e šegofetšego go tšea bolaodi, go tloga lewatleng go ya lewatleng tlhokamagomo, mohla A etla ka letago la Gagwe. Nnete, re lebeletše go Tšeng ga Gagwe.

⁵⁰ Gomme gona ga go pelaelo ka monaganong wa ka, eupša seo ke se Jesu a bilego le sona ka monaganong wa Gagwe ge a be a le mo lefaseng, e bile go se palelwe mola ga Lentšu la Modimo la Gosafelego. Ka gore, re tseba gore ka go Yena go agile botlalo bja Mmele Bomodimohlogo. Bomodimohlogo ka moka bo be bo le ka go Yena. O be a le bobedi Tate, Morwa, le Moya wo Mokgethwa, eupša a agile ka go sebopego sa bomotho; theophany ya Modimo, seswantšhokgolo sa Modimo seo A dirilego motho ka go sona, morago o mmeile ka lefaseng. O bile le mmele. Modimo ga a hloke mmele. Modimo o na le mmele, gomme o lebega go swana le motho. Moshe o o bone, ba bangwe ba o bone, gomme o lebega go swana le motho.

⁵¹ Gomme e no ba ponagatšo, ke *ye*, ya se Sela se lego. Gomme se sengwe le se sengwe mo lefaseng, bobotse, bobose, bobotse bja lefase, ga se selo gape ka go lefase eupša karabo go se sekaone go feta go phala seo, seo se re letilego ge re tlogela lefase le. Ka gore, se sengwe le se sengwe ka lefaseng e no ba phethene ya sela se lego Legodimong. Se sengwe le se sengwe seo se lokilego, se sengwe le se sengwe se lego sa toko, se sengwe le se sengwe seo se lego se se botse, mehlare, dinonyana, se sengwe le se sengwe, e no ba phethene ya se se lego Legodimong.

⁵² Bophelo bja rena beng e no ba phethene. E no ba moriti, gomme e sego selo sa kgonthe. Ke lehlakore la nekethife. Go tšea lehu go hlatswa seswantšho, go re bea morago ka go theophany re tšwago gona. Gona ka go tsogo re tla ka go go swana ga Gagwe,

mmele o tsogilego. A ye botse; e sego fela ye botse, eupša ke ya kgonthe, Therešo ruri ya Lentšu la Modimo la Gosafelego, gore re tla ba bjalo ka Yena.

⁵³ Hlokomelang bjale, Jesu, a hlamišitšwe ka maatla ohle a Modimo, eupša, ge A kopana le Sathane, ga se nke A šomiša maatla a itšego a Gagwe. O boletše ka Lentšu! O dirile. O rile, “Go ngwadilwe, ‘Motho a ka se phele ka borotho bo mnoši, eupša ka Lentšu le lengwe le le lengwe leo le hlagilego go tšwa molomong wa Modimo.’”

⁵⁴ Gona o ka bolela bjang gore o ka šala gae gomme wa no ba Mokriste wa go loka bjalo ka ge o ka dira kerekeng? O ka se kgone go e dira. Bala Lentšu! Moya wo Mokgethwa o fepša ke Lentšu. Beibele ke dijo tša semoya tša Modimo bakeng sa Kereke ya Gagwe. Gomme Moya wo Mokgethwa ke Yena A O tlišago go wena le go O bea ka pelong ya gago, gomme o O nošetša ka ditebogo. Gomme tshepišo ye nngwe le ye nngwe ye Kgethwa e tla tšweletša feela thwi se Modimo a rilego e tla e dira. E swanetše go. Ke Lentšu la Gagwe, gomme Ke Bophelo.

⁵⁵ Bjale, ke be ke lebetše gore ke be ke no swanelwa go ba le seripa sa iri. Go ntšea telele kudu go fihla go se ke nyakago go se bolela.

⁵⁶ Eupša hlokomelang Jesu mo iring ya mafelelo, goba tše pedi, tša bophelo bja Gagwe, tše dintši, diprofeto tše dintši di ile tša phethagatšwa.

⁵⁷ Yo mongwe o rile go nna, “Ngwanešu Branham, se se swanetše go direga, gomme *sela* se swanetše go direga.”

Ke rile, “E ka no direga mo iring.”

⁵⁸ Ge le ka bala Pesaleme ya 22, gomme morago la šetša iri ya Gagwe ya go hwa mo sefapanong, ke no lebala bjale ke diprofeto tše kae tša mmapale di phethagaditšwego ka go diiri tše pedi goba tše tharo tša mafelelo tša bophelo bja Gagwe! Nnete, “Ba hlabile maoto a Ka le diatla tša Ka. Modimo wa Ka, Modimo wa Ka, gobaneng Wena o Ntlogetše?” le go ya pele, bjalo ka ge Dafida a e goleditše.

⁵⁹ Gomme selo se sengwe ke nyakago le se hlokomela, Therešo, karolo ya go se palelwe ya Lentšu la Modimo. Beibele e rile, “O boloka mašapo a Gagwe ohle, ga go le letee le robjago.” Ka gore ka go sekai, kwana ya paseka e bile sekai sa yona. Kwana e swanetše go hloka bosodi, ga go mašapo a a robilwego a swanetšego go ba go kwana. Gomme mo iring ge A be . . . O hwile, ba ile godimo go roba maoto a Gagwe ka hamola. Gomme feela pele . . . Lebelelang go yona nako yela ya tšhoganetšo! Monna ka hamola, a loketše go betha maoto a Gagwe, eupša Lentšu la Modimo le rile, “Go ka se be le lešapo le letee le robega ka mmeleng wa Gagwe.”

“Go ya go direga bjang?” Re a itlhaganela.

60 Lentšu la Modimo le la Gosafelego! Ge Lentšu la Modimo le phethagetše bjalo, bona ba lego ka go Kriste ba no ba le kgontho go tsoga bjalo ka ge go na le tsogo. Modimo o no tlamega bjalo go Lentšu la Gagwe, go go fodiša, bjalo ka ge A le go go phološa. Ka gore, Yena, ke Lentšu la Gagwe leo le e tshepišitšego. Ke Lentšu la Modimo, gomme ga re na tokelo go tloša kgole go tloga go Lona. Eupša e no re, “Ke Therešo.” Le dumele! Ga go kgathale go direga eng, Le dumele, go le bjalo. Yeo ke tsela ka moka ga bona ba Le dumetšego, gomme ga ra beelwa thoko go tloga go leo. Modimo o file Palestina go Israele, eupša ba ile ba swanela go lwela ntlhasana ye nngwe le ye nngwe ya mobu ba nago le ona. Tshepišo ke ya gago, eupša o swanetše go lwela ntlhasana ye nngwe le ye nngwe o e tleleimago; diabololo o tla kgonthišiša seo, ka kgontho o tla dira.

61 Eupša hlokomelang ge ba be ba loketše go roba maoto a Morena wa rena Jesu, ge nka be hamola yela e ka be e ile ya betha leoto le go le roba, Modimo o be a tla hwetšwa a le maaka. Eupša ga se go be le bodiabololo go lekanela ka go tlaišo yohle ya leswiswi go dumelela hamola yela go betha mmele wola wo bohlokwa. Ka gore Dafida, mengwaga ye makgolo seswai pele ga fao, o rile, “Go ka se be le lešapo le letee le robega ka mmeleng wa Gagwe.” Lentšu la Modimo le swanetše go ema Therešo.

62 Eupša ba dirile eng nako yeo? Ba tšere lerumo gomme ba le tsetsemetša ka lehlakoreng la Gagwe, gomme Madi le meetse tša tšwela ntle, go phethagatša se Beibele e rilego, “Ba hlabile diatla tša Ka le lehlakore la Ka.” Lentšu le ile la phethagatšwa.

63 Bjale ge A be a ehwa, oo, a iri ye e boifišago! Ke nagana ka koša yela, gomme, therešo, e no ntira ke ikwe go šiiša, ge ke nagana koša yela yeo moreti a e ngwadilego mengwaga ye mentši ya go feta.

Kgatheng ga maswika a fatotšwego le mafaufau a swiswalago,
Mophološi wa ka o inamišitše hlogo ya Gagwe
mme a hwa;
Seširo se se butšwego se utollotše tsela
Go ya mathabong a Magodimong le letšatši le
sa felego.

64 Gomme ge A be a lekeletše fale, a etšwa madi le go hwa, ge A inamišitše hlogo ya Gagwe, letšatši le ile la lewa ke hlong ka bolona, go lebelela tlase godimo ga dibopiwa tša go hwa tše Modimo a di dirilego ka seswantšho sa Gagwe, se swanetše go lefela tefo ye bjalo ka yeo go e lopolla, letšatši le ganne go lebelela tlase go lefase ka iri yeo. Ngwedi o ile wa goboga kudu go fihla o tlogetše lefelo la wona. Gomme dinaledi tša sokolla mokokotlo wa tšona go lefase. A selo se šiišago sebe e swanetšego go ba, ka fao Modimo a swanetšego go šomana le sona!

65 Gomme go bona baprista bale ba go kwera, ka dihuba di lekeletše sefahlegong sa Gagwe. Monna o Mmethile mo hlogong, ka lehlaka, gomme o rile, “Ge O le Moprofeta, re botše ke mang a Go bethilego.” Yo mongwe wa bona o ngangile ditedu go tloga sefahlegong sa Gagwe, gomme a mmetha ka mpama mo sefahlegong sa Gagwe, gomme a nyaka A ikemele ka Boyena.

66 O rile, “Ge nka be Mmušo wa Ka o le wa lefase le, ka bjakobjako Ke be ke tla bitša Tate wa Ka, O be a tla Nthomela dihlopha tša madira a lesomepedi a Barongwa.”

67 Go ka be go fetotšwe, eupša O be a ka e dira bjang? O be a ka se no e dira, ka gore e be e le bana ba Gagwe mong ba llela Madi a Gagwe. A o ka kgona go eleletša papa, tate, ka bana ba gagwe mong (ka leswiswing) ba llela madi a tatago bona beng? Leo ke lebaka A bego a ka se dire selo gape eupša go hwa. Ge A ka be a sa nka, e be e le tshenyego go bana ba Gagwe, e be e le tshenyego go diphedi. Eupša O ile a swanelwa ke go hwa, go phološa batho ba Gagwe.

68 Gomme ge A dirile, ge A inamišitše hlogo ya Gagwe, lefase le la kgale le bile le mororomelo o selaganya godimo ga mokokotlo wa lona. Le swanetše go ba le bile le go tšhišinyego ya megalatšhika, ka gore Beibele e boletše gore, “lefase ka moka, go tloga iring ya boselela go ya go ya senyane, go bile leswiswi, go bile gohle sefahlegong ka moka sa lefase.” Gomme lefase la šikinyega, gomme maswika a fatolwa. Gomme seširo sa tempele sa gagoga go tloga godimo go ya tlase; dikota tša sehlabelo tša hlanolwa. Morwa wa Modimo yo a phelago o hwile. O be a hwile bjalo go fihla letšatši le e lemoga. O be a hwile bjalo go fihla ngwedi o e lemoga. O be a hwile bjalo go fihla dinaledi di e lemoga. O be a hwile bjalo go fihla lefase le e lemoga. O be a hwile bjalo go fihla dielemente di e lemoga, mafaufau a e lemogile. Se sengwe le se sengwe se ile sa swanela go tseba yola o be a le Morwa wa Modimo! Ka gore, Lentšu la Modimo le ka se šitwe, O be a tshepišitšwe, go tloga serapeng sa Edene, “Peu yeo e tla go gobatša hlogo ya sephente.”

69 Bjale go diregile eng ka Yena? Ke kae A ilego ge A tlogela sefapano le go ya lebitleng la Josefa wa Arimathea?

70 O bile mohlaki bjalo ga se A be le lefelo go latša hlogo ya Gagwe. O be a tswetšwe ka legopong, ka leina le lesa ka morago ga Gagwe, bjalo ka “ngwana wa hlaba.” O ile a segwa, a dirwa metlae, a kwera, ka lefaseng. O ile a dirwa metlae, le go ganwa. Gomme ge A hwile, O ile a swanelwa go hwa ka kotlo ya polao, magareng ga mahodu a mabedi. Gomme e bile a se be le lefelo go Mmoloka, gomme O ile a bolokwa ka lebitleng la monna yo mongwe. Yena Modimo wa Legodimo a etla lefaseng! Re nagana gore re bomang, gore re swanetše go kgabola nthatana ye nnyane ya tlaišego? Se A re diretšego! Nagana ka sona, mogwera, se bale.

71 Lesole la Moroma le rile, “Therešo, yoo ke Morwa wa Modimo.” Modiradibe o swanetše go e lemoga. Judase o rile, “Ke ekile Madi a se nago molato.” O ile a swanela go e lemoga. Lefase ka moka le e lemogile.

72 Morago O ile kae? Ge motho a ehwa, a seo se a e fediša? Aowa, mohlomphegi. O ile a swanela go hwa ka tsela yela gobane Beibele ya Modimo e boletše gore O tla hwa ka tsela yela. Gomme O tshepile Lentšu la Modimo. Leo ke lebaka A kgonneggo go re, ka bophelong bja Gagwe, “Phušolang tempele ye, gomme Ke tla e tsošetša godimo mo matšatšing a mararo.”

73 Ka gore Dafida o rile lefelong le lengwe, feela ka Beibeleng, ka tlase ga tšhušumetšo, ge Dafida, monna wa Modimo, moprofeta yoo a ilego a tlotšwa ka Lentšu, o rile, “Nka se lese Yo Mokgethwa wa Ka go bona go bola, gape Nka se tlogele soulo ya Gagwe ka heleng.”

74 Jesu o rile, “Lena senyang mmele wo, gomme Ke tla o tsošetša godimo mo matšatšing a mararo.” O tsebile gore Lentšu la Modimo le ka se šitwe. Oo, nna!

75 Ge A kgonne go tsema ruri godimo ga seo, go dumeleng gore Lentšu la Modimo le ka se šitwe, go kaakang bontši re ka kgona go tsema ruri gore re tswetšwe gape ka Moya wo Mokgethwa, gomme Ke hlatse ka pelong ya rena gabjale gore re tseba gore Molopolodi wa rena o a phela gomme o tla tla gape letšatši le lengwe. Ebang le tiišetšo gore bale bao ba lego ka go Kriste Modimo o tla ba tliša le Yena! Bjale hlokomelang.

76 Fale O be a le ntshe. O tsebile gore ga go le sele e tee ya mmele wola o tla go bola. Diiri tše masome šupa pedi, go bola go a tsena. Leo ke lebaka A sa nkago a dula matšatši a mararo. O hwile ka Labohlano morago ga sekgalela, o tsogile Lamorena mosong. Eupša, e bile magareng ga ona matšatši a mararo. Magareng ga matšatši ale a mararo O be a swanetše go tsoga gape, ka gobane O tshepile Lentšu la Modimo.

77 Šo O a sepela! Yena O tlogile kae ge A tloga? Beibele e rile, “O rotogile. O ile le go rera go disoulo tšeo di bego di le ka kgolegong, tšeo di sa sokologago ka go matšatši a go se felepele a Noage.” Soulo ya Gagwe, Moya wa Gagwe, theophany ya Gagwe ya go beng ga Gagwe Mong, o ile tlase. A nke re Mo šale morago. Le ka rata, bošegong bjo, go Mo šala morago metsotso e se mekae? A nke re bone fao A ilego.

78 Feela ka tlase ga mafelo a diphedi tše di hwago go letše sekgao sa maatla a letimone; ka tlase ga ao . . . feela ka godimo ga ao go dutše disoulo tša ba sa lokago; tlase ga sona go dutše yona taolo ya Sathane, hele. Morago feela ka godimo ga rena go dutše Moya wo Mokgethwa; morago ka tlase ga Aletara go dutše disoulo tša banna ba go loka; morago sa go latela ke Modimo Yenamong. Ye nngwe e ya go leba tlase, ye nngwe e ya go leba

godimo; meboya ye mebedi e fa mo lefaseng, e huetša batho ba lefase le.

⁷⁹ Gomme ge Jesu a ehwa, O ya godimo, tlase fale. Ke kgona go Mmona mo morago ga sekgalela seo sa Labohlano, ka morago ga lehu la Gagwe, [Ngwanešu Branham o a kokota—Mor.] o kokota mo lemating la mafelo a ba lahlegilego. A nke re Mo šale morago motsotso. Lemati le a bulega. Go bile basadi, go bile banna, go bile bahumagadi ba baswa, go bile batšofe, ba be ba le bohle mmogo ka go lefelo lela la go tšhoša le bitšwago kgolego ya disoulo tše di lahlegilego.

⁸⁰ Ge nkabe ke ne nako, ke be ke rata go le botša. Gomme e ka no ba pono feela. Eupša nako ye nngwe ke etetše lefelo lela, gomme ka goeletša bakeng sa kgaogelo, ge ke be ke le modiradibe ke eya ka tlase ka karo. Ge ke phafoga, ke be ke eme ka Bodikela, ka diatla tša ka godimo go leba Legodimong, gomme sefapano se mphadimela.

⁸¹ Eupša ka go lefelo lela la dillo, Jesu o sepeletše lemating. Se sengwe le se sengwe se ile sa swanela go hlatsetša gore O be a le Morwa wa Modimo, gobane ba be ba reretšwe ka go matšatši a go se felepele a Noage. Mekokoto lemating, O rile, “Ke nna Yo Henoge a boletšego ka yena. Ke nna Peu ya mosadi, yeo e bego e tla tlapiriganya hlogo ya sephente. Lentšu le lengwe le le lengwe la Modimo le phethagaditšwe; Ke sa tšo hwa mošola ka Khalibari, gomme Ke rekollotše Kereke ya Ka. Gomme Yo Henoge a boletšego ka yena, Ke nna Yena.” Gomme ba be ba le ntle ga kgaogelo, ntle le kholofelo, ka gobane ba sentše. Gomme lemati le ile la tswalelwa sefahlegong sa bona.

⁸² Pele tlase ka go mafelo a matimone! Pele tlase go ya go tšona dikgoro tša hele! O kokota mo lemating. [Ngwanešu Branham o a kokota—Mor.]

⁸³ Mo ke mola A be a le ka lebitleng, mmele wa Gagwe o gona, o letile tso go. O etetše mafelo ao baloki le ba go se loke ba yago; fao o tla yago le lengwe la matšatši a, go le letee goba a mangwe mafelo.

⁸⁴ Gomme O a kokota [Ngwanešu Branham o a kokota—Mor.] mo lemating la hele. Gomme, ge A dirile, diabol o tšwetše ntle. Gomme ke kgona go no mo kwa a re, “Oo, kagona mafelelong O gorogile. Ka kgonthe ke naganne ke be ke Go hweditše ge ke bolaile Abele.”

⁸⁵ Le a bona, ge Peu yela e tshepišitšwe ka serapeng sa Edene, diabol o kgafetšakgafetša o lekile go senya Peu yela. Gomme lehu la Abele, le go tleng ga Sethe, e be e no ba go hwa, go bolokwa, le go tso ga Kriste. Peu yela e swanetše go tšwelapele. Gomme o lekile go E senya.

⁸⁶ O rile, “Ke naganne ke be ke Go hweditše ge ke senya Abele. Ke naganne ke be ke Go hweditše ge ke sentše baprofeta. Ke be ke ne kgonthe ke be ke Go hweditše ge ke kgaola Johane hlogo.

Eupša bjale, ka morago ga tšohle, O gorogile. Ke Go hweditše bjale.” Oo, nna!

⁸⁷ Ke kgona go Mo kwa a re, “Sathane, etla fa!” Ke yena Nkgwete bjale. A obeletša, a ubula dinotlelo tša lehu le lebitla go tloga lehlakoreng la gagwe, a di lekeletša godimo ga lehlakore la Gagwe Mong. “Ke nyaka go go botša mošomo o fedile. O bile setšhošetši botelele go lekanela. Ke nna Morwa motswalwa ke kgarebe wa Modimo yo a phelago. Madi a Ka a sa kolobile mo sefapanong, gomme sekoloto ka botlalo se pateletšwe! Ga o sa na maloka le neng. O amogilwe. Mphe dinotlelo tšeo!” Yeo ke nnete. A retologa go dikologa gomme a mo fa thago ye botse ya go phelega, gomme a kgorometša lemati mmogo, gomme a re, “Dula ka gare fale! Ke nna Nkgwete bjale go ya pele.”

⁸⁸ Bjale, Yena ga se a be le dinotlelo tša Mmušo, ka gobane O di file Petro; re hwetša tšohle tšela mo mosong, ka go kolobetšo ya meetse. Eupša o swere dinotlelo tša lehu le hele, gomme O di tšere; ka morago ga tso go ya Gagwe, O rile, “Ke swere dinotlelo tša lehu le hele.” Petro o swere dinotlelo tša Mmušo. Sathane o bile le dinotlelo tša lehu le hele; eupša bjale Jesu o di swere, Ke yena Nkgwete.

⁸⁹ Šo O thoma godimo. Go ya go Paseka; nako e feta ka lebelo. Eupša go ne sehlopha se sengwe. Jobo o kae? Abrahama o kae? Ba mo kae? Ba kae baisesa bale bao ba tshepetšego go Lentšu la Modimo? A O ba lebetše? A lehu le ba sentšemoka? A sela ke sohle sa yona? Le gatee, le gatee; Modimo o swanetše go boloka Lentšu la Gagwe.

⁹⁰ Ke kgona go Mmona. A re hlodimeleng gannyane ka go Paradeisi, gomme re lebelele godimo kua. Gomme ke bona Sarah le Abraham ba sepela go dikologa kua, gomme morago ga nakwana [Ngwanešu Branham o a kokota—Mor.] se sengwe mo leming. Abraham o a ya le go bula lemati, o rile, “Hani, etla fa. Lebelela fa! Lebelela fa, yoo ke yena wa go swana Yoo a emego le nna ka tlase ga moouko letšatši lela.” Ke Modimo wa Abraham.

⁹¹ Feela nako yeo ke kgona go bona Daniele a lebelela godimo ga legetla la gagwe, le go re, “Leo ke Leswika leo le kgomotšwego ntle ga thaba, feela ka kgonthe bjalo ka ge ke eme fa.”

⁹² Ke bona Jobo a phagamela godimo, o rile, “Yoo ke Molopolodi wa ka yoo ke rilego ke a tseba o a phela, gomme letšatši le lengwe O tla ema godimo ga lefase. Mmele wa ka o ka no se be gona eupša lehwana le lennyane la molora, eupša mo metsotsong ye lesometlhano go tloga bjale ke tla ba ka go wona gape. Yoo ke Yena.”

⁹³ Hesekiele o lebelela ka kua ga bogodimo, o rile, “Ke bone Motho yola wa go swana bjalo ka Lebile ka bogareng bja Lebile, le dikologa, godimodimo ka bogareng bja lefaufau.” Oo, nna!

94 Nako yeo go tla Henoge godimo. Henoge o rile, “Ke Mmone a etla le bakgethwa ba Gagwe ba lesome la dikete, go phethagatša kahlolo.”

95 Go be go le bakgethwa ba Testamente ya Kgale ba letile, kgonthe ba be ba le, ka tlase ga poelano ya madi. Ba be ba sa kgone go ya ka Bogoneng bja Modimo, Modimo wa Legodimo, ka gobane madi a pudi le nku a be a sa kgone go tloša sebe.

96 Eupša O rile, “Baena ba ka, Ke nna Yena yoo le naganago Ke yena. Ke nna Peu ya mosadi. Ke nna Morwa wa Dafida. Ke nna Morwa wa Modimo. Ke nna Yena motswalwa ke kgarebe. Madi a Ka a dirile poelano. Le letile ka tlase ga madi a dinku le dipudi, eupša bjale Madi a Ka a dira poelano, gomme le lokologile. A re rotogeleng godimo, e ya go nyaka go ba Paseka.” E no naganang, yeo bile feela e ka ba mengwaga ye lekgolo lesomesenyane le metšo ya go feta, bošegong bjo.

97 Ke kgona go kwa Abraham a re, “Morena, ge re tsena godimo ka go mmele wa rena gape; gomme Sarah le nna re no e rata gabotse bjalo; a O a tshwenyega ge re ka no dira go ema gannyane, ka mokgwa wo, mo tseleng ya Gago?”

98 Gabotse, ke kgona go Mo kwa a re, “Gobaneng, aowa, ka kgonthe aowa. Ke ya go dula le baru tiwa ba Ka bakeng sa e ka ba matšatši a masome a mane. Lebelela go dikologa gomme o bone ka fao se sengwe le se sengwe se bogegago.”

99 Ka moso wola wa letago wa Paseka (moo re tla go tšea mo mosong, Morena a rata) ge A tsogile go tšwa bahung, Beibele e rile, go ya ka Mokgethwa Mateo 27, gore “Bontši bja bakgethwa bao ba robetšego ka leroleng la lefase, ba tsogile le go tšwa ntle ga mabitla.” E be e le mang? Abraham, Isaka, Jakobo, Jobo, bao ka kutollo ya go utollwa ka semoya ba tsebile gore Molopolodi o tla ema mo lefaseng letšatši le lengwe. Bao ke bona, dikenywa tša pele tša bale bao ba robetšego. Šebale ba sepetše ka toropngkolo. Ke kgona go bona Sarah le Abraham, ba baswa, gomme ba tletše ka . . . le ba babotse, le—le go tlala ka bophelo, ba sa hlwe ba tlo tšofala gape, ba sa hlwe ba tlo babja gape, ba sa hlwe ba tlo swarwa ke tlala gape, ba sepela go dikologa ka mebele ya bona.

100 Kayafa a eme fale, a re, “Le a tseba eng? Go bile le se sengwe se diregile letšatši le lengwe, e no lebelela tlhakatlhakano ye tempele ye e lego ka go yona! Go na le. . . Re ya go swanela go hwetša yo mongwe go roka garetene yela godimo. Lebelela go tšela, lepokisi la sehlabelo le hlanotšwe. Go diragetše eng? A Mothaka yola o be a le mmaladinaledi? A O be a le moloi? Goba, go diragetše eng? Bolela! E tla fa, Josephus, ke bomang baratani bale ba baswa ba emego fale?”

Abraham o rile, “Sarah, re lemogilwe. Bokaone re tšwele ntle.”

101 “Bonagetše go ba bantši!” Seo ga se e be sohle sa yona. Go tswaleleng, šetšang. Letšatši le lengwe ge ka morago ga ge A bile. . . ba bile go etela; Abraham, Isaka, Jakobo, le bohle ba bona ba etetše nagalegae. Ge Jesu a rotogetše godimo. . .

102 Le re, “Ngwanešu Branham, a yeo ke nonwane?” Aowa, mohlomphegi! Ke tla le bontšha ka Mangwalong, mo motsotsong.

103 Ge A thoma go ya godimo, bona ba nnoši ba Mmone, eupša bakgethwa ba Testamente ya Kgale ba ile le Yena, ka gore Beibele e boletše gore “O išitše bothopša bothopša, gomme o file dimpho go batho.” Gomme ke kgona go Mmona bjalo ge A eya godimo, le go tšoena le kereke ya Gagwe.

104 Barongwa ba babedi ntle ga sehlopha bao ba bego ba bapala mmino, ba boile morago fale, gomme ba rile, “Lena banna ba Galelia, gobaneng le eme le lebeletše godimo? Ka gore Jesu yo wa go swana, yo a tšeetšwego godimo, o etla gape.” Ka kgonthe! Ba potlaketše morago go tšoena molokoloko.

105 Gomme tlase go kgabola dibakabakeng Jesu le bakgethwa ba Testamente ya Kgale ba ile. Ba fetile ngwedi, ba fetile letšatši, ba fetile dinaledi. Gomme ge ba etla go lebana le a le a magolo, Magodimo a mabotse a mašweu, bakgethwa ba Testamente ya Kgale ba goeleditše ntle, ba tsopola Lengwalo, “Phagamelang godimo, lena dikgoro tša neng le neng, gomme e bang go phagamišwa godimo! Phagamelang godimo, lena dikgoro tša neng le neng, gomme e bang go phagamišwa godimo! Gomme dumelelang Kgoši ya Letago go tsena ka gare!”

106 Barongwa bohle ba kgobokane godimo mo godimo ga ntlhorwana ya malapa a Legodimo, gomme ba rile, “Ke mang Kgoši ya Letago?”

107 Bakgethwa ba Testamente ya Kgale ba rile, “Morena wa mašaba, mogale ntweng! O bile Mofenyi!”

108 Morongwa o kgotlile konopi ye kgolo, gomme dikgoro tše tšhweu tša ubulega go bulega.

109 Gonabjale go kgabola Toropokgolo ya Jerusalema go tla yo mogolo, Mofenyi yo maatla, a tliša bakgethwa ba Testamente ya Kgale. Dihlopha tša Barongwa di letša, bjalo ge Barongwa ba goelesa. O be a le Mofenyi yo maatla! O swere dinotlelo tša lehu le hele di lekeletše lehlakoreng la Gagwe, a eya thwi tlase go feta mešate ya Letago go fihla A fihla go Terone. Gomme O rile, “Tate, šeba mo. Ba dumetše, ka tumelo go Lentšu la Gago, gore Ke tla tla letšatši le lengwe. Ke fentše bobedi lehu le hele.” E be e le eng, ngwanešu? O bile le mabadi ka seatleng sa Gagwe, go bontšha gore O be a le ntweng. Letago go Modimo ka Godimodimong! Ke yena Mofenyi yola yo mogolo! “Šeba mo, Tate; Abraham, Isaka, le Jakobo.”

110 Ke kgona go Mo kwa a re, “Morwa, namelela godimo fa ka thoko ga lehlakore la Ka, gomme o dule fase go fihlela Ke dira lenaba le lengwe le le lengwe bogato bja dinao tša Gago.” Ngwanešu, letšatši le lengwe O tla tla gape, gomme a letšatši le tla bago!

111 O be a sa entšelle ge A be a le ka lebitleng. Re no nagana O be a no robala fale, a hwile. Eupša O be a sa le tlase a sa fenyā, O ile tlase gomme a tšea dinotlelo kgole go tloga go Sathane, O na le dinotlelo tša bobedi lehu le hele, bošegong bjo. O rile, “Ka gobane Ke a phela, le ka phela, le lena.”

112 Ke a makala bošegong bjo, ngwanešu morategi, kgaetšedi, o ile wa nagantšhiša seo ka tlhokofalo? A o a lemoga gore o no phela feela ka gobane O a phela? O ile wa e leboga go lekane go ineela wenamong godimo, gomme wa re, “Modimo, ke nna yo, modiradibe, nkgaoege?” A o kile wa ke wa amogela Sehlabelo sela sa go lekanelamoka? A o kile wa ke wa Mmotša o a Mo rata? A go gobatša maikutlo a gago ge o dira phošo? Ge e ba ga se nke wa ke wa tla go boitemogelo bjola bjale, ka go poloko ye! Ge, nako ya rena e sobelela. Go no ikwela gabotse! Eupša, ke a makala, ge e ba ga se nke wa ke wa amogela Kriste bjalo ka Mophološi wa gago wa sebele, ke a makala ge e ba o tla e dira ge re sa inamiša dihlogo tša rena feela nakwana ka go lentšu la thapelo.

113 Letšang yeo, *Kgatheng Ga maswika A Fatotšwego*, ge le ka kgona, Kgaetšedi Gertie, ge o na le yona. Go lokile, se sengwe le se sengwe se tla dira.

114 Ka dihlogo tša lena di inamišitšwe, ke ya go le botšiša potšišo ya tlhokofalo ka nnete. Elelwang bagwera, modiradibe goba mokgethwa, ga o ka ntle ga go ba gona ge re go boloka. Soulo ya gago e felotsoko. Bjale, Jesu o etetše mafelo bobedi, go ya ka Mangwalo. A O tla go hwetša kae ge o ka sepela bošegong bjo? A o tla ba le lemati la kgaogelo le tswalelwa mo pele ga gago, ka gobane o ganne? Elelwang, ga se Yena Mophološi feela, Ke yena Moahlodi. Wena o moahlodi bjale, na o Mo ahlola bjang? A nke A be Mophološi wa gago bjale.

115 Kanego ye nnyane e tla go monagano wa ka. Nako ye nngwe ya go feta mošemane yo monnyane o be a dutše ka go ka—ka karikana. Sethunya se galagetše tlase mokgotheng, gomme dipere di tšhabile gomme di be di eya go fekemela legageng. Mošemane yo monnyane wa modiši a kitima le go emiša dipere feela pele karikana e ile go fekemela legageng, gobane e be e ne lesea ka go yona. O phološitše bophelo bja yo monnyane yoo.

116 Mengwaga ye mentši morago ga seo, go engwe ka go kgorotsheko. Mošemane yo wa go swana o be a dirile bosenyi, o tšere tsela yeo e fošagetšego, o bile molato. O be a enwa, a kempola, o thuntšhitše motho; gomme o be a le molato, o hweditšwe molato. Gomme moahlodi o phagametše godimo

gomme o rile, “Ke go ahlolela go lekeletšwa ka molala wa gago go fihlela bophelo bja gago bja go hwa bo tlogile.”

117 Lesogana lela le rile, “Moahlodi!” Gomme o robile tshepedišo ya kgorotshenko, bjalo ka ge a tabogetše godimo ga legora gomme a wela dinaong tša moahlodi, bakeng sa kgaogelo. O rile, “Moahlodi, lebelela sefahlego sa ka! A ga o ntsebe?”

O rile, “Aowa, morwa ga ke dire.”

118 O rile, “A o elelwa bophelo bja mošemane yo mongwe yo monnyane wa go mo phološa, mengwaga ye mentši ya go feta, go tšwa go pere ye e bego e tšhaba?”

O rile, “Ee, ke a bo elelwa.”

119 O rile, “Ke nna mošemane yola.” O rile, “Moahlodi, o mphološitše nako yela. Mphološe bjale!”

120 Moahlodi o lebeletše fase go yena, gomme o rile, “Morwa, letšatši lela ke bile mophološi wa gago. Lehono ke nna moahlodi wa gago.”

121 Lehono Ke Mophološi wa gago. Modiradibe, gosasa A ka no ba Moahlodi wa gago. A nke re e nagantšhišeng bjale, ge mmino o bapala. Gomme yo mongwe le yo mongwe a rapela, bale bao ba lego mapatlelong a go rapela le Modimo.

122 Ke a makala bošegong bjo, ka pela, bale bao ba ka ratago go amogela Kriste bjalo ka Mophološi wa sebele, e re, “Modimo, nkgaoele, modiradibe. Ke nyaka go tla ka Madi a tšholotšwego. Ke lapišitšwe ke go tšoen dikereke le go gerema go tloga lefelong go ya lefelong. Ke nyaka go tswalwa gape. Ke nyaka boitemogelo ka pelong ya ka gore ke a tseba gore Kriste o ikutolotše Yenamong go nna, ka kutollo ya semoya yeo o sa tšo go bolela ka yona, Ngwanešu Branham. Ke nyaka kutollo ya semoya, Moya wo Mokgethwa ka pelong ya ka, go ntira ke phele, go tliša Kriste kgonthe kudu go nna go feta ke le go nnamong. Ke hlogogela boitemogelo bjoo, Ngwanešu Branham. A o tla nthapelela ge ke phagamiša seatla sa ka?” A o tla emiša seatla sa gago bjale, ba ba hlogogelago go gopolwa. Modimo a go šegofatše, mohumagadi. Modimo a go šegofatše morago fale, mohumagadi. Seo se lokile. Modimo a go šegofatše, mohlomphegi. Seo se lokile. Phagamiša diatla tša gago, bjale eya pele godimo ka seatla sa gago.

123 O ka lewa ke dihlong bjang? O ka kgona go gana se bjalo ka Seo, mogwera? Elelwa.

124 “Oo,” o re, “Ngwanešu Branham, bareri ba rerile sebakeng sa mengwaga.” Ke a tseba, eupša le lengwe la matšatši a ba ya go emiša go rera. Gomme tsela ye dilo di lebegago, e ka no ba gonabjale. O ya go kwa thero ya gago ya mafelelo. Ka nnete, ye e ka no ba ya gago ya mafelelo.

125 “Oo,” o re, “Ke moswa.” Seo ga se tshwenye. Lehu ga le bebe motho sefahlego, goba bogolo goba bokgoni.

126 A bjale o ka Mo amogela bjalo ka Mophološi wa sebele, ka go phagamiša seatla sa gago, wa re, “Modimo, nkgaoegele?” Phagamiša diatla tša gago le ka moka ga ba, gomme wa re, “Bjale ke nyaka go amogela Kriste.” A o ka phagamiša seatla sa gago godimo?

127 Yo mongwe yoo a kgelogilego, e re, “Modimo, nkgaoegele. Ke nyaka go tla morago go Kriste bošegong bjo, gore gosasa go ka ba tsogo, e mpsha, bakeng sa ka.” A o ka phagamiša diatla tša gago? Tliša seatla sa gago godimo, e re, “Nkgaoegele. Ke nyaka bjale go tla.” A o tla e dira? Phagamišetša seatla sa gago godimo, o re, “Ke bile mokgelogi, eupša bošegong bjo. . .” Modimo a go šegofatše, mohumagadi. Modimo a go šegofatše. Yeo e lokile. “Ke tla amogela Kriste bjalo ka Mophološi wa ka wa sebele. Ke tla Mo amogela bošegong bjo. Ke tsekelletše, mengwaga ye mentši kgole le Modimo, eupša bjale ke tla gae.” A o tla Mo amogela bošegong bjo, gore ye e ke e be tsogo ye mpsha go wena, bophelo bja gago bja kgale bo ke bo fedišwe?

128 Mohumagadi yo o tla godimo go aletara, go dira boipolelo bja gagwe, go ema. Yo mongwe gape ba nyakago go tšea lefelo la bona fa, etla godimo fa le yena, godimo ga boipolelo bja bona? A o ka emelela godimo, le go tla godimo go aletara, le wena. Aletara e butšwe. Nnete. Etlea thwi pele godimo, gonabjale. Ge o nyaka go ema fa le go rapela, go tla no ba go lokile. Etlea pele. A o tla tla? Godimo ga boipolelo bja tumelo ya gago, godimo ga go dumela ga gago go Morwa wa Modimo, a o tla tla bjale? Go lokile.


129 Go ya ka wena, o a elelwa. Yoo ke wena. A o modiradibe? A o mokgelogi? A o a tonya le kgole go tloga go Kriste? A o nyaka go phagamišwa ka boswa le Yena bjale, go thoma bophelo ka boswa? Go reng ka wena, monna le mosadi bao le bilego go—le bilego go gontle lebaka la nako ye telele, le gogagogana ka lapeng la lena? A le ka se tle le go otlolla selo sela godimo le Modimo le yo mongwe le yo mongwe bjale? Dira Paseka ka kgonthe Paseka go wena, go thoma lapa le leswa.

130 Go reng ka wena yoo a sa nkago a be, a sa nkago a ba le thapelo ka lapeng la gago, o no ya gae go tloga kerekeng le go leka go phela bokaonekaone o kgonago, o sa nkago wa ke wa tliša lapa mmogo le go rapela? Ke ka baka leo re nago le go seleka ga baswa le dilo re nago tšona. Ke ka baka leo malapa a Amerika a thubegile. A o ka se tle, go thoma ka boswa bošegong bjo? A o tla e dira? O memilwe. Elelwang, ke nna modiredi wa gago bjale; ke tla ba hlatse mo letšatšing leo.

Ge re sa ne dihlogo tša rena di inamišitšwe, gona, bjale bakeng sa thapelo.

131 Tate wa rena wa Legodimong wa go Šegofala, bošegong bjo re tliša go Wena batheeletši ba, ka go tiišetšo ye kgolo ya bokgethwa bja tiišetšo kudu bjoo re tsebago bjang. Re batamela Terone ya Gago ka boikokobetšo. Gomme ka morago ga Molaetša

bošegong bjo, wola, poloko yela ye kgolo, ga se nke A dula a homotše, soulo ya Gagwe e ile thwi pele ka go dikgao le go fetša modiro wa Modimo, woo A bego a beetšwe go o dira. Gomme gosasa mosong, re hwetša moo A ilego go kgabola dikgao godimo, a fenyā se sengwe le se sengwe, ka go tsogo ya Gagwe. Eupša O tšwetše ntle ka Paseka mosong bakeng sa tokafatšo ya rena. Gomme re hwetša gore O rometše Moya wo Mokgethwa morago, go phara batho ka sebe.

¹³² Gomme re a rapela bošegong bjo, Morena, gore bale bao ba phagamišitšego diatla tša bona ba ke ba gopolwe pele ga Gago. A nke diphetho tša bona di be go tšwa dipelong tša bona bošegong bjo, gore ba Go amogetše, le go Go dumela, gomme a nke ba tswalelelwe kgole ka Lehuto la tshepišo bošegong bjo, Moya wo Mokgethwa. E fe, Tate. Ka gore, re ba gafela go Wena, ka Molaetša wo bošegong bjo. A nke O šegofatše bale ba O kwelego, bale, Morena, ba tla O tšeago le bona go ya magaeng a bona, gomme O nwelele go teba ka dipelong tša bona. A nke ba phele ka Lentšu la Modimo. E fe, Tate, ka gore re e kgopela ka Leina la Kriste. Amene. 

POLOKO NST57-0420

(The Entombment)

KE TATELANO YA TSOŠELETŠO YA PASEKA

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mantšiboa, Aporele 20, 1957, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya maknete, gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme e phatlalatšwa ke Voice Of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org